

INDEX LECTIONUM



IN

UNIVERSITATE STUDIORUM JAGELLONICA

A DIE 1. OCTOBRIS ANNO MDCCCXIX.

AD MEDIUM MENSEM JULII ANNO MDCCCXX.

INSTITUENDARUM.



C R A C O V I A E
TYPIS ACADEMICIS.

Civibus Litterarum Ssudiosis

S. P.

Universitatis Studiorum Jagellonicae Cracoviensis Rector

Valentinus Litwiński

Cum Senatu Academico.



Ut tres sunt nobis Codices Juris Saxonici in Bibliotheca nostra Universitatis Literariae Jagellonicae Cracoviensis, quorum uberiorem descriptionem anno praeterito dedimus, ita tribus quoque Codicibus, qui ad Jus Romanum spectant iisque membranaceis et splendidis e diligentia et industria Decessorum nostrorum gaudemus, quorum primus Institutiones Justiniani continet. In compactura autem hujus Codicis manu satis antiqua scriptum: *Liber Institutionum Justiniani*. - Asserculo verso: venalis pro 5 flor. at nunc pro 2bus. Pretium hoc sane vile, quo ne membranae quidem comparari poterant. At id post inventam typographiam, ut videtur, possessorum aliquis sec. XV. adnotavit, quo tempore manuscripti Codices prae libris impressis iisdemque novis maxime vilesce-re coeperunt, donec iterum temporis successu in pretium redierint, ut hoc, quo nunc vivimus, aevo pretium non decuplum sed centuplum, i. e. 300 vel 200 aureorum imperialium s. Hollandicorum nimium esse non videretur iis, qui antiquorum studiorum humaniorum monumenta, ut par est, aestimare consueverint. Nam illis, qui nullos nisi novos libros volunt, certe et trium vel duorum nummorum aureorum pretium jam satis superque magnum et nunc videbitur, quos tamen parcos rerum antiquarum cultores, qualiscunque se eruditionis esse putent homines, ad fabularum Milesiarum lectionem ablegandos jure meritoque censemus.

376 Noster Institutionum Codex 100 foliis constat et una cum glossa scriptus est. Sub pretio, ni fallimur, extremis sec. XV. annis adnotato leguntur haec vero verba: *Liber institutionum legatus pro libraria Theologorum majoris domus Artistarum ex libris olim m̄gr. Johannis de Oswianczyn sacre theologie professoris et Custodis in Eccl. S. Floriani. Oretur pro eo per utentes libro.* Hic autem M. Joannes de Oswiecim sive ut olim scribebatur Oswiencin s. Oswianczyn (Auschwitz Germanice) verso in Latinum idioma nomine Sacranus, dictus (*sacrare*, Polonice *oswieńc* ac *sonat*) idem est sine ulla dubitatione cum Joanne Sacrano Oswiecimensi A. 1494 Rectore Academiae, qui

variis

variis honoribus functus die 17. Nov. A. R. S. 1527 aetatis LXXXII. obiit, de cujus scriptis a. 1500; 1512, 1520 editis vid. Janocius in Janocianis Tom. II. Num. CXXV. p. 235, 236. Sołtykowiez in egregio opere o *Stanie Akademii* Krak. 1810. p. 129. Epitaphium vero ejus legitur apud Starowolscium in Monumentis Sarmatarum p. 47. ubi tamen annus aetatis LXXXIII. in XXXIII, ut opinamur errore typographi mutatus fuit, nam Joannem Sacranum sive Oswiecimensem jam senem vivis excessisse, vel ex iis, quae Matthias de Miechovia libro IV. c. 81. sub a. 1503 adtulit, facili conjectura quilibet assequi poterit, qui quidem noster Joannes Sacranus, nescimus, quo modo apud Niesiecium 1728 in Joannem Sacrarium transformatus et ad stemma Winiawitarum reductus est. Sed de his alii videant, quibus ejus res gestae curae sint. At Codex noster nitidus sec. XIV. vel ineunte sec. XV. Charactere Neogothico literis minusculis cum paucis majusculis sat pulchris grandioribus scriptus, non caret variantibus lectionibus, quorum specimen vel brevissimum exempli gratia e praefatione et Tit. I. adferendum esse hoc loco credidimus:

Heinecciana Ed. Corporis Juris a. 1735.

Codex Noster.

Pag. 1. v. 16. sed etiam - - - - -	verum etiam
20. et princeps Romanus etc. -	et princeps romanus victor existat, non solum in hostilibus preliis, sed per legitimos tramites iniquitates expellat.
v. 23. triumphator [<i>magnificus</i>] - - - -	Uncis inclusa vocula: <i>Magnificus</i> , deest in Codice nostro.
v. 26. et bellicos quidem sudores nostros barbaricae gentes sub juga nostra reductae cognoscunt - - - - -	et bellicos quidem sudores nostros barbare gentes deductae sub juga nostra cognoscunt.
v. 28. inumerae provinciae - - - - -	inumerose provincie.
v. 30. iterum ditioni Romanae - - - - -	iterum jurisdictioni Romanae.
Tit. I. Institutt.	
Pag. 1. col. 1. de Justitia et Jure. Justitia est constans et perpetua voluntas - - -	animi voluntas, sed re <i>animi cancellatum est, ut spurium.</i>
col. 2. ita videntur posse - - - - -	ita maxime videntur posse.
Pag. 2. oneraverimus - - - - -	honoraverimus.
§. 4. hujus studii - - - - -	hujusmodi studii.
privatum, quod ad singulorum utilitatem	privatum, quod ad singulorum utilitatem pertinet.
Dicendum igitur de jure privato, quod tripartitum est.	Dicendum igitur de jure privato, quod tripartite collectum est.

373
Haec pauca sufficiunt ad cognoscendam hujus Codicis nostri dignitatem. Alter Codex eadem fere scripturae ejusdem aetatis, et eadem forma complectitur Digestum Vetus. In compactura haec verba: *Liber Thome de Strzampino Doctoris emptus Rome pro novem florenis Ung. 1450. 10. Maii.* Florenos Ungaricos tum non nisi aureos fuisse, non est, quod moneamus, nam id cuilibet est notissimum. In folio primo autem eoque recto ante textum: *Iste Liber est meus Rob de Adamariis Episcopi.* Fol. eodem verso: *Gloze Accursii.* In schedula antiqua: *Thome Episcopi Cracoviensis Digestum Vetus Justiniani.* In fronte Codicis medio folio textus glossa circumdatus, ut vulgo, incipit: *Imperator Cesar Flavius Justinianus etc.* In hoc Codice autem varietas lectionis aut nulla aut rarissima, nam omnia fere plerumque congruunt cum communi pandectarum exemplo. In fine fol. 274 eoque ultimo et recto: *Istud digestum est Martini de Corcaybas et de... Constitit ei ducentos solid. Jaccensium Ilerda et valebant tunc Jaccenses viginti et unum minus picta centesimam (ccmu) denarium minus pro libra.* Quid Jaccenses sive Jachenses floreni ab Urbe Hispaniae Jacca apud Arragones et Catalaunos moneta solita sec. XIV. fuerint, quid Picta, Pite, moneta Comitum Pictaviensium Gallice Pictavina, *Mailles Poitevins*, vel Adelungius Tom. IV. Glossarii p. 111. et Tom. V. p. 289. edocere potest Nobis sufficiat commodum, qui huc facere videtur e Cangii Glossario afferre locum: Ed. Paris. S. Mauri 1735. Tom. III, p. 1279, ubi asseritur 12 Jachenses Solidos 14 Barchenonenses valuisse. Florenos auri de Florentia vero singulos pro 16 Solidis Barchinonensibus computatos fuisse a. 1316. Si forte igitur Codex noster Ilerdae comparatus sive Jaccensibus Solidis Ilerdae cisis emptus fuisset a. 1316, certe 235 $\frac{1}{2}$ Solidorum Barchinonensium pretium valuisset, quod cum 14 $\frac{5}{24}$ Florenorum aureorum summa sive totidem Aureis Hungaricis nostri aevi convenit. Sed ex hac subscriptione nihil ultra conjicere volumus, quam Codicem nostrum aut in Hispania aut in Gallia Hispaniae vicina scriptum fuisse, nam etiamsi pro magna illis temporibus vilitate annonae satis magnum scripturae pretium esse videretur merces 14 $\frac{5}{24}$ aureorum numerorum, tamen vel hoc pretio Codicem splendidum scriptum fuisse, vel tum vix crediderimus, nec libuerit quoque pro certo affirmare: Codicem hunc Nostrum jam a. 1316 scriptum fuisse, sed facile concedere maluerimus: illum aliquot decenniis esse recentiorem, quam ob causam in re tam incerta nihil certi statuere rati in hac potius sententia iudicium nostrum continere decrevimus, ut inde conjecturam faciamus: hunc Codicem sec. XIV. quam sec. XV. scriptum verosimilius esse. De Thoma Strzempino autem olim Professore Cracoviensi, et in Basileensi Concilio Oratore egregio, postea Episcopo Cracoviensi a. 1460 pie demortuo videre licet Dlugossi Historias, Rzepnicki Vitas Praesulum Poloniae. Caeterum hoc quoque silentio praetereundum non esse fatemur, non raro deesse in hoc Codice omnia v. g. Rescripta Justiniani duo, alterum de conceptione digestorum a. 530, alterum de confirmatione a. 533, item voces in textu singulas et librorum laudatorum inscriptiones in singulis titulis, qui solo auctorum nomine eoque abbreviato et variis coloribus picto insigniti sint.

Ter-

374 Tertius Codex utroque Codice a nobis memorato splendidior, tam majori volumine, quam literarum grandiori forma insignior, atramento tamen viliori eoque fusco deterrior foliis 311 exhibet Codicem Justiniani. Unde et quomodo hic Codex in Bibliothecam Nostram pervenerit, latet. In fronte legitur in textu glossa vulgari circumdato: *In nomine domini nostri Ihesu Christi incipit liber primus codicis domini Justiniani sacratissimi principis semper augusti repetite prelectionis.* In fine folio 311 *explicit.* Variantes lectiones in hoc Codice rarissimae, sed negligentiae per scriptorem, ni fallimur, commissae, et correctorumque sive correctoris incuriae documenta satis frequentia v. g. Phocas legitur apud nos Phores et postpositus est Basilidi in recensione Auctorum Codicis. Titulorum vero inscriptiones abbreviatae non raro omissis, quae non omittenda erant, mutilae atque ideo non obstante splendidiore forma minorem, ni fallimur, huic codici, quam prioribus duobus dignitatem vindicare videntur.

Haec fere sunt quae, Juyenes carissimi, de his tribus Codicibus ad Vos praefari in animum induximus. Patebit Vobis, quantae auctoritatis cimelia nostrae Bibliothecae insint, ut pro certo affirmare liceat: tres vel quatuor Codices et Editiones principes v. g. Plauti a. 1472 Ciceronis de natura Deorum a. 1470. Euclidis a. 1482 sufficere ad exaequandum pretium cujuslibet Museorum nostrorum ceterorum. At sunt tamen, qui hoc ignorent. At quis horum usus, interrogabit forsitan aliquis, qui cum Gallice et Germanice vel Italice loqui didicerit, se jam eruditum esse putet. Non est, quod respondeamus homini suorum bonorum ignaro, sed quantum literarum studia jam e Bibliotheca vel foris lucri fecerint, paucis enumerare liceat: Meletii Opus de natura homini Graece hucusque ineditum a. b. m. Hiacynto Przybylscio *κτρυμα* olim Jo. Broscii 1625—1655 iterum in Bibliothecam a. 1789 illatum cura Hermanni Schugt 1814 descriptum e Nostra Bibliotheca Viri Doctissimi Schneider Senior et Davidis Schultz edendum susceperunt, variantes lectiones e primo libro Livii Dec. *Idae* et e Codice Flori ex Petrarcae apographo desumpto transmissae sunt studio trium juvenum Cracoviensium celeberrimo Seebodio Hildesheimum. Videtis igitur, o juvenes carissimi certos re literariae fructus, et simul: quantae curae alibi sit in operibus Auctorum Classicorum textus puri editio Viris eruditissimis, atque quum hoc consideraveritis, certe quod interrogatori respondeatis, erit in promptu. Vos enim probe scire confidimus: antiquitatis e humanitatis studia nunquam esse negligenda; antiquas res novarum rerum esse fundamenta, origines et fontes, non nisi e fontibus hauriri genuinam et non fucatam eruditionem et doctrinam; infusum esse eum, qui e solis novis libris, ex encyclopaediis, e lexicis quibuscunque, e versionibus rerum quilibuscunque disciplinae cujuscunque scientiam facili negotio sine opera et studio, brevi temporis spatio, expiscari velit. Si vero ubicunque antiquitatis et humanitatis accurata notitia in qualibet litterarum disciplina necessaria est, ea potissimum nemo in jurisprudentia addiscenda carere potest. Neque ad solam Jurisprudentiam adhortandos Vos esse censemus, immo vero, cum nullam discipli-

plinam per se negligendam esse persuasi simus, non omnes uni, sed alios aliis disciplinis se dare necesse esse sciamus, ita adhortationem hanc, ut intelligatis, rogatos Vos esse volumus, ut quilibet suae disciplinae, quam sibi eligendam ratus fuerit, ita operam det, ut non neglecto antiquitatis et humanitatis studio in sua arte et scientia eruditus per altiores progressus non mediocri doctrinae et per sedulam et assiduum diligentiam, quo pacto unice patet ad summos profectus via, ad summum eruditionis et sapientiae fastigium enitatur.

ORDO THEOLOGORUM.

Florianus Kudrewicz, Ord. S. Basilii M. S. Theol. D. sacrae Scripturae Prof.

P. O. h. t. Fac. Theol. Decanus.

Hor. mat. 9—10 quotidie excepto die Jovis Archaeologiam, Hermeneuticam generalem et specialem; tum Exegesis librorum Veteris Foederis tradet.

Nicolaus Gilles, S. Theol. D. P. P. O. Canonicus Ecclesiae Cathedr. Cracov.

Hor. pom. 2—3. iisdem diebus Theologiam dogmaticam cum prolegomenis profitebitur.

Matthaeus Kozłowski, Ord. Praed. S. Theol. D. P. P. O.

Hor. mat. 10—11 iisdem diebus exponet Historiam ecclesiasticam methodo Gmeineri.

Nicolaus Janowski, S. Theol. D. Prof. Theol. Moral. et Pastoral. et Eloquentiae

Sacrae P. O. Can. Cath. Eccl. Crac.

Horis pom. 1—2 iisdem diebus quinis per hebdomadam, scilicet die Lunae, Martis, Mercurii, Veneris et Saturni tradet Theologiam moralem ad mentem legis naturae et evangelicae.

ORDO JURIS - CONSULTORUM.

Augustinus Boduszyński, J. U. D. P. P. O. h. t. Fac. Jurid. Decanus, Senator

Reip. Crac.

Horis pom. 5—6¹/₂ diebus Lunae, Martis, Mercurii et Jovis; 5—7, die Veneris Jus Romanum et Feodale docebit.

Valentinus Litwiński, J. U. D. P. P. O.

Hor. pom. 5—6½ quotidie diebus festis et Saturni exceptis Codicem judicarium civile m per semestre hiemale explicabit, jus criminale autem per semestre aestivum.

Adamus Krzyżanowski, J. U. D. P. P. O.

Hor. mat. ½9—10 quotidie praeter diem Lunae exponet Jus Civile, Provinciale, Gentium Vicinarum et cambiale.

Felix Słotwiński, Phil. et J. U. D. P. P. O.

Hor. pom. 3—4 quotidie excepto die Saturni Jus naturae universum, privatum, civitatis et gentium.

Hor. mat. 8—9 diebus Lunae, Mercurii et Saturni Jus ecclesiasticum tradet.

Nicolaus Hoszowski, J. U. D. P. P. O. Senator Reip. Crac.

Hor. mat. ½9—10 diebus Martis, Jovis et Veneris; 9—10 diebus Lunae, Mercurii et Saturni disciplinas politicas tractabit.

ORDO MEDICORUM.

Sebastianus Girtler, Phil. et Med. D. Politiae medicae, historiae medicinae et institutionum medico-chirurgicarum P. P. O. h. t. Facultatis medicae Decanus.

Hor. ½12—12½ diebus Martis, Jovis et Saturni Politiam medicam Polonice tradet, hac vero finita ad praelegendum de Historia Medicinae idioma Latino accedet. Hisce diebus iisdem, ut supra, horis pom. 5 ad 4½ institutiones medico-chirurgicas lingua vernacula tradet.

Adalbertus Georgius Boduszyński, Med. D. Pathologiae et Therapiae tam generalem quam spec. P. P. O. Reip. Crac. Protomedicus.

Hor. mat. 10—11½ diebus Lunae et Mercurii in lingua Latina Pathologiam explicabit, diebus autem Martis, Jovis et Veneris iisdem horis Doctrinam de Therapia generali et speciali tradet.

Ignatius Woźniakowski, Med. D. Chir. et Artis obstetr. etc. P. P. O. Senator Reipubl. Cracoviensis.

Diebus Lunae, Mercurii et Jovis ab hora 4 ad 5 post meridiem idioma Polonico Chirurgiam theoreticam, diebus Martis et Veneris eadem hora Artem obstetriciam theoreticam praeleget, ac denique diebus Lunae, Mercurii et Jovis ab hora 9 ad 10 Materiam Medicam tradet.

Josephus Sawiczewski, Med. D. Pharmaciae P. P. O.

Diebus Lunae, Martis, Mercurii et Jovis ab hora 9 matutina ad 10 Pharmaciae docebit, qua finita Toxicologiam explicabit.

Josephus Kozłowski, Med. D. Anatomiae et Physiologiae P. P. O.

Anatomiam et Physiologiam tradet idioma Polonico diebus Lunae, Martis, Mercurii, Jovis et Veneris, ab hora 12 ad 1 vero Medicinam forensem ab hora 3 ad 4 diebus Veneris post meridiem.

Ignatius Lienhard; Med. D. P. P. O.

Diebus Lunae, Mercurii et Veneris ab hora 5 ad 6 post meridiem Artem Veterinariam tradet. Idem singulis diebus ab hora 8 ad 9 mat. ad praxim medicam ad lectos aegrotorum in Instituto Clinico adducet Candidatos Med. et Chir. superioris tum Alumnos Chir. inferioris; his Polonice, illis Latine rationem medendi explicaturus.

Xystus Lewkowicz, Med. et Chir. D. S. Annae IIIIae Classis et Legionis Honoris Eques.

Hor. pom. 3—4 diebus Martis, Jovis et Saturni in curationibus chirurgicis rite instituendis Auditores ad praxim formabit.

Horis matutinis 9—10 Clinicen chirurgicam duce Richerand, obstetriciam vero ducibus Baudeloque, Bôér et Widman exhibebit.

Julianus Sawiczewski, Med. D.

Horis pom. 2—3 diebus Martis et Saturni tradet Macroboticam.

ORDO PHILOSOPHORUM.

I) FACULTATIS MATHEMATICAE ET PHYSICAE.

Aloisius Estreicher, Phil. et Med. D. P. P. O. Decanus h. t. Fac. Phil. Math. et Phys.

Hor. mat. 10—11 quotidie exponet Zoologiam per semestre hiemale.

Hor. mat. 7—8 Botanicen tradet per semestre aestivum.

Hor. pom. 2—3 diebus Martis et Jovis tradet doctrinam de generis humani varietate nativa per semestre hyemale.

Hor. pom. 6—8 exercitationes botanicas instituet, et ad botanices practicae usum manu ducet, atque dendrologiae et melologiae rudimenta exponet per semestre aestivum.

Carolus Hube, Phil. D. P. P. O. Matheseos sublimioris.

Hor. mat. 8—9 quotidie tradet *Analysin algebraicam, trigonometriam sphaericam et geometriam analyticam.*

Semestri aestivo calculum differentialem exponet.

Hor. mat. 9—10 diebus Veneris et Saturni *Geodesiam* docebit.

Josephus Łęski, Phil. Dr. Astronomiae Professor P. O.

Hor. mat. 9—10 quotidie tradet: I.) *Astronomiam* duce J. G. T. Bohnenberger (Astronomie Tüb. 1811.)

II.) *Artem delineandi mappas geographicas ad projectionem stereographicam.*

Josephus Markowski, Phil. et Med. D. Professor Chemiae P. O.

Hor. 9—11 diebus Solis; horis 11—12 diebus Lunae, Martis, Mercurii et Jovis *Chemiam* docebit.

Hor. 11—12 diebus Veneris et Saturni *Mineralogiam.*

Romanus Markiewicz, Phil. D. Professor P. O.

Horis mat. 9—10 quotquot diebus, festis exceptis *Physicam experimentalem* ad normam sui proprii opusculi additis addendis e tractatu *physices Viri doctissimi Cl. Biot* docebit. *Cursu vero aestivo iisdem horis Geographiam physicam, duce clarissimo Viro Joanne Śniadecki* tradet.

Juvenibus profectoribus, qui elementis *matheseos* sufficienter imbuti sunt, diebus Martis et Jovis hor. 2—3 *difficiliores*, ubi necesse fuerit, *calculos Physices extricabit*, et *experientias longiusculas et praecipuas*, oculis tempore commodiori *subjiendas* curabit.


Franciscus Sápalski, Phil. D. Professor Geometriae descriptivae P. O.

Horis 12—1½ *Geometriam descriptivam* tradet *theoreticam et accomodatam perspectivae umbrarum, artibus fabrilibus et gnomonicae*, diebus Lunae, Martis, Mercurii et Jovis.

Hor. 12—1 diebus Veneris et Saturni *Mechanicam et Hydraulicam* per semestre aestivum.

Franciscus Szopowicz, Prof. P. E.

Hor. mat. 8—9 quotidie, exceptis diebus Saturni *Mathesin inferiorem i. e. Arithmeti- cam, Algebram, Geometriam elementalem cum practica et analytica* axi leabit du- ce *Lacroix*.



II.) FACULTATIS LITERARIAE.

Julianus Czermiński, Phil. D. Professor Historiarum. P. O. h. t. Decanus.

Hor. mat. 11—12 et per semestre aestivum a 5 ad 6 pom. enarrabit historiam antiquiorem et recentiorem. II.) Geographiam physicam et politicam. III.) docebit artem criticam, quae ad legendos historicos est necessaria. IV.) literarum et scientiarum progressum demonstrabit.

Georgius Samuel Bandtkie, Phil. D. Prof. Bibliographiae P. O. et Bibliothecarius, Senator Reipublicae Cracoviensis.

Hor. pom. $\frac{1}{2}$ —3 die Mercurii, Veneris et Saturni Bibliographiam profitebitur.

Collegium styli cultioris duce Beckio (Artis Latine scribendi praecepta Lipsiae 1802) et disputatoria philologica et historica cum selectis juvenibus instituet diebus Martis, Jovis et Veneris hor. $7\frac{1}{2}$ —9.

Idem semestri aestivo horis definiendis comparationem dialectorum Slavicarum e supellectile sua qualicunque literaria Slavica juvenibus vernacularum linguarum philomatibus ostendere conabitur.

Paulus Czaykowski, Phil. D. Literaturae Polonicae P. P. O.

Hor. mat. 10—11 traditis praeceptis eloquentiae et poëseos, per classicorum Auctorum exempla illustratis, Auditores ad exercitia Linguae Patriae in utroque orationis genere ducet.

Petrus Boucher, Canonicus Cath. Cracoviensis et Kielcensis, Phil. D. P. P. O.

Hor. pom. 2—3 die Lunae, Mercurii, Veneris et Saturni tradet praecepta Linguae Gallicae et versionis, ex linguis Polonica et Latina in linguam Gallicam, nec non docebit theoriam literarum elegantiorum ad normam Auctorum classicorum Nominis Gallici et Latini.

Extra ordinem profectiores in styli cultioris Gallici adyta, more suo consueto et probato diebus Saturni horis 9—11 introducet.

Hermannus Schugt, Phil. D. P. P. O.

Hor. pom. diebus Lunae, Martis et Mercurii explicabit Homeri Odysseam.

Isdem horis diebus Jovis, Veneris et Saturni Horatii Satyras.

Isdem diebus horis 4—5 styli cultioris Linguae Graecae praecepta tradet profectioribus.

Guillelmus Münnich, Phil. D. Prof. Linguarum Orientalium P. O.

Linguam latinam una cum linguis Orientalibus docebit diebus Lunae, Mercurii et Veneris hor. 12— $1\frac{1}{2}$. Diebus Martis, Jovis et Saturni hor. 11— $12\frac{1}{2}$.

Josephus Jankowski. J. U. D. P. P. O.

Hor. pom. 3—4 quotidie docebit Logicam, Metaphysicam, Ethicam es Paedagogicam. Diebus Martis et Saturni mane hor. 7—8 Historiam Philosophiae.

Lecto-

Lectorium in Bibliotheca publica Univ. Cracov. patebit hor. pom. 2—4 hyemali; hor. 3—5 aestivo semestri, diebus Lunae, Martis et Jovis. Hospitibus vero extraneis, qui Bibliothecam, Musea, Speculam Astronomicam et Hortos Botanicos invisere cupiunt, nulla hora praefinita est, dummodo tempus praelectionibus sacrum Bibliothecario et Praefectis Museorum Mineralogici, Zoologici et Hortor. Botan. condonare velint. Quovis tempore de commoda hora certiores facti curiosis hospitibus nunquam deerunt. Museum Physicum patebit curiosis, qui adesse dignabuntur, hora 10 matutina, finita praelectione.

Docebunt artem pictoriam *Josephus Peszke*, Prof. P. O. hor. mat. 11—12 et *Josephus Brodowski*, Prof. P. O. horis pom. 1—2 semestri brumali; her. mat. 7—8 semestri aestivo. *Josephus Riedlinger* hor. mat. 11—12 artem sculptoriam. Linguam Anglicam tradet *Hermannus Schugt* hor. 3—4, Germanicam *Ludovicus Teichmann* horis pom. 4—5, Italicam *Stephanus Laberi* quotidie hor. pom. 5—6. *Sigismundus Wojakowski* Linguam Russicam horis pom. 4—5 diebus Lunae, Martis, Jovis et Veneris. Artem armarum tractandi *Alexander Tavernier* hor. pom. 2—3 quater per hebdomadem, artem saltandi *Petrus Couder* hor. pom. 4—5. Artem equitandi *Joannes Mützel* hor. pom. 2—3.



Faint, illegible text, possibly bleed-through from the reverse side of the page. The text is arranged in several lines at the top of the page.